

Allannguutissatut siunnersuut
uunga

Uunga siunnersuut: Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. x, xx.xx 2012-imeersoq.

Inatsisinut Ataatsimiititaliami amerlanerussuteqartunit IA-meersunit Siumumeersunillu aappassaaneerinninnissamut saqqummiunneqartoq.

§ 55-mut

1. § 55 ima oqaasertalerneqassaaq:

”§ 55. Kommunalbestyrelsimut ilaasortap nunami sumiiffiup sinniisaatut qinerneqartup § 45, imm. 4 naapertorlugu kommuniusimasumi najukkani qimappagu pineqartup qinigaasinnaanini annaassanngilaa kommunalbestyrelsimiillu tunuassanani.”

§ 56-mut

2. § 56 peerneqarpoq.

Siunnersuummut nassuiaatit

Nassuiaatit nalinginnaasut

Allannguinnissamik siunnersuutip tunuliaqutaa siunertaalu Inatsisinut Ataatsimiititaliap aappassaaneerinninnissamut isumaliutissiissutaani erseqqinnerusumik nassuiaatigineqarpoq. Tassungalugu innersuussisoqarpoq, kiisalu aalajangersakkat ataasiakkaat nassuiaatitaannut.

Aalajangersakkanut ataasiakkaanut nassuiaatit

Nr. 1-mut.

Kommunalbestyrelsimi sumiiffiup sinniisaatut ilaasortaasup, kommunip iluani sumiiffiup sinniisaatut qinigaaffigisami avataanut allamut nuuttup, kommunalbestyrelsimi ilaasortaassutsini tigummiinnartassagaa siunnersuutigineqarpoq.

Inatsisissatut siunnersuutip aappassaaneerneqarnissaanut Inatsisinut Ataatsimiititaliap isumaliutissiissutaani immikkoortoq 3.2-mut innersuussisoqarpoq.

Nr. 2-mut.

Inatsisissatut siunnersuummi § 56-ip, § 55-imut allanngutissatut siunnersuutip
nassatarisaanik, peerneqarnissaa siunnersuutigineqarpoq.